

Мувем элты муй па сялта мосал,
Хун лув манэм, муй туп мосас, мас?
Матты унгла туслы эсам вошал,
Ат па такмас юрем утанг Аси.
Шиялаты, ванты, ат ма хошсам
Тутсянга ат лэпты хорамлал,
Муйкем мосас, лулан, сама потсам.
Ёхатсам на силта лунган- талн:
Сяхар хорпи ласькам восты турам,
Хата нялкатн, каласьлыял хус,
Лалсэм, лулан, исьсэм восты урал,
Ёлах товийн, лунган, лыптанг сусн.

Мувем элты муй па сялта мосал,
Хун лув шальы, муйкем мойлап мас.
Сосал иты, лакки селты посал,
Киярн катлам сумтанг унтэм лас,
Ас ик исьты ниншам арсыр нялтай,
Машкал сыхам хоямтыты вот,
Нёхсям-хуват укармаман палнгат,
Сяхар хося матты каншал хот.
Лув пилална нараслыял мувал.
Най луйпатат алтуп ляхитыйл...
Муйкем холна мувем хорам ювал
Лакки эхты, хун куи, рахамтыйл?

Мувем элты муй па сялта мосал,
Хун лув ошлал нумалмиллы мас?
Урхот иты, пелак понман овал -
Ат па, лулан, силта усам тась.
Сикем арат - ингал атат тармас,
Ат мосятсам лувет лэлты ухл.
Тайты ошем иси атат армас
Моштатыя ханя улты лухл.
Ма па, лулан, сёмем ат туп ёхтас
Мувем хорам елшак тувапты,
Ялап ёхат хося атат сохнас. -
Хошсэл, лулан, еллы мияпты...